

辛巳泣蘄錄

從政郎蘄州司理權通判兼淮西制置司僉廳行司公事趙與綏

綏編

地功郎蘄州黃梅縣主簿權錄事參軍兼僉廳陶時叙校勘

嘉定十有四年歲在辛巳二月九日蘄州得隨州太守許

都統

圖

初三日牒云有探報人申全賊已聚人馬在息州

意欲擁衆一道渡河打擄時聞大金見欠三月糧草諸軍

只給十日口食前來我界宜多措置以爲隄防之計初十

日得張都統

常

王都統

辛

報與許隨州所報一同本州得

報之人後人皆曰虜未必深入是日太守李國錄

戴之

通

判秦

鉅

會屬官集議于安民堂出示諸處報牒太守語察

屬曰五關可恃否教授阮

希甫

曰或者之議爲不可恃似

聞尚有私小路搓塞不盡與

藥

曰虜人多不由關隘亦不

特有私小路而已但有山脚可登之處彼盡能擁騎而上

知縣林

榮

曰是如此又云關內有取德安府從黃陂一路